



Llywodraeth Cymru
Welsh Government

Grant Cynhyrchu Cynaliadwy

Llyfryn Rheolau Cyffredinol

Rownd 4



Cronfa Amaethyddol Ewrop ar
gyfer Datblygu Gwledig
Ewrop yn Buddsoddi mewn Ardaloedd Gwledig
European Agricultural Fund for
Rural Development
Europe Investing in Rural Areas



Llywodraeth Cymru
Welsh Government

Cymunedau Gwledig Llywodraeth Cymru –
Rhaglen Datblygu Gwledig

2014-2020

Contents

- 3** Prif Bwyntiau
- 5** Adran A – Cyflwyniad
- 8** Adran B - Pwy sy'n Gymwys am y Grant Cynhyrchu Cynaliadwy
- 12** Adran C - Gwneud Cais am Grant Cynhyrchu Cynaliadwy
- 17** Adran D - Taliadau
- 21** Adran E - Newidiadau i Reolau'r Cynllun
- 22** Adran F – Archwiliadau a Chadw Cofnodion
- 23** Adran G - Y Drefn Apelio a Chwyno
- 24** Adran H – Amod Diogelu Data Cyffredinol: Hysbysiad Preifatrwydd
- 27** Cysylltiadau

Prif Bwyntiau

- Mae'r ffurflen Datgan Diddordeb wedi'i datblygu'n ddigidol ac mae ar gael ichi ar RPW Ar-lein. Rhaid cyflwyno'r Datganiad trwy RPW Ar-lein erbyn y dyddiadau cau a gyhoeddir.
- Os nad ydych wedi cofrestru gydag RPW Ar-lein eto ac nad ydych wedi cael cod defnyddio, ffoniwch y Ganolfan Gyswllt i Gwsmeriaid ar 0300 062 5004 cyn gynted ag y medrwch.
- I gael cyngor ar sut i Ddatgan Diddordeb ar-lein yn y Grant Cynhyrchu Cynaliadwy, ewch i RPW Ar-lein www.cymru.llyw/rpwarlein).
- Mae cyllid o £6 miliwm ar gael ar gyfer y 4ydd Datganiad o Ddiddordeb yn y Grant Cynhyrchu Cynaliadwy
- Rhaid eich bod wedi cofrestru'ch busnes gyda [Cyswllt Ffermio](#) cyn cael gwneud cais am y Grant Cynhyrchu Cynaliadwy (SPG).
- Er mwyn bod yn gymwys am yr SPG, rhaid i aelod o'r busnes fynd ar gwrs 'Ffermio Cynaliadwy' a drefnir gan Cyswllt Ffermio . Bydd y busnes wedi'i gofrestru gyda Cyswllt Ffermio a chyda Taliadau Gwledig Cymru Llywodraeth Cymru.
- Mae'n rhaid i chi ddilyn canllawiau a gofynion Llywodraeth Cymru am Tendro Cystadleuol a Chaffael Cyhoeddus Nodiadau Canllaw Technegol.
- Os eich bod wedi cael eich dewis o dan un o'r tri ffenestr blaenorol o Ddatgan Diddordeb yn y Grant Cynhyrchu Cynaliadwy , nid ydych yn gymwys i gyflwyno Datganiad o Ddiddordeb. Gall y grant gyfrannu hyd at 40% o werth buddsoddiad cyfalaf mewn offer a pheiriannau fydd wedi cael eu disgrifio ymlaen llaw fel rhai fydd yn helpu'r ffermwr i reoli maethynnau a diogelu a gwella ansawdd dŵr, pridd ac aer trwy leihau llygredd.
 - Uchafswm y grant y gellir ei roi yw £50,000
 - Lleiafswm y grant y gellir ei roi yw £12,000

Bydd grant o 40% ar gael ar gyfer prosiectau sy'n costio hyd at £125,000. Fedr eich Ddatganiad o Diddordeb gael ei gyflwyno am fwy na'r uchafswm a gellir ei gynnig drwy drwy ychwanegu eitem unigol. Os caiff ei dderbyn, ni chewch hawlio mwy na £50,000 ar ei gyfer.

- Mae Atodiad A yn rhoi rhestr o'r eitemau buddsoddiad sydd yn gymwys. Gallwch eu gweld ar RPW Ar-lein (www.llyw.cymru/rpwarlein). [Grantiau a thaliadau gwledig / beta.llyw.cymru](#)
- Mae dau gam i'r broses ymgeisio. Datganiad o Ddiddordeb sydd yn cael ei gyflwyno drwy RPW Ar-lein, sydd ar agor am gyfnod o 8 wythnos ac, os yw eich Datganiad

o Ddiddordeb yn cael ei dewis gwerthusiad o'r cynlluniau a'r dogfennau ategol a gyflwynwyd Os cewch eich dewis, bydd gofyn ichi gwblhau a chyflwyno'r cynlluniau, dogfennau ategol canlynol ar gyfer gwerthusiad gan Llywodraeth Cymru.

- Cynllun Busnes 5 mlynedd
 - Datganiad Meini Prawf Craidd
 - Cynllun Effeithiolrwydd Maethol
 - Cynllun Effeithiolrwydd Dŵr
 - 3 Blynedd o Gyfrifon Ardystiedig
 - Caniatâd Cynllunio, os oes ei angen
 - 3 Prisiad ar gyfer phob eitem buddsoddiad a ddewiswyd ar y Datganiad o Ddiddordeb
- Os llwyddwch i gael contract yn dilyn y broses ddewis Datganiad o Ddiddordeb, a gwerthusiad llwyddiannus y cynllun a dogfennau ategol, **bydd rhaid ichi brynu'r holl eitemau buddsoddiadol sydd wedi'u rhestru yn eich contract.**
 - Os y cewch gynnig contract ag eich bod yn ei dderbyn ac eich bod yn prynnu'r eitemau o'r math neu fanyleb anghywir; neu eich bod yn prynnu'r eitemau cyn bod y contract Grant Cynhyrchu Cynaliadwy yn cael ei dderbyn; neu eich bod yn prynu'r holl eitemau sydd wedi ei rhestru yn y contract, caiff eich hawliad ei wrthod a fydd unrhyw grant a dalwyd yn cael ei dynnu'n ôl.
 - Mae'r SPG yn rhan o Cymunedau Gwledig Llywodraeth Cymru – Rhaglen Datblygu Gwledig Cymru 2014-2020.

Adran A – Cyflwyniad

- Cynllun grant cyfalaf yw'r Grant Cynhyrchu Cynaliadwy, sydd ar gael i ffermwyr ym mhob rhan o Gymru.
- Mae'r Canllaw hwn yn esbonio'r **Grant Cynhyrchu Cynaliadwy (SPG)** a'r broses ar gyfer ymgeisio amdano. Darllenwch e'n ofalus. Os ydych yn credu y gallai'ch cynlluniau buddsoddi fod yn gymwys am grant a'ch bod am wneud cais am help o dan y cynllun hwn, darllenwch **Adran C** a'r llyfryn Sut i Lenwi (www.llyw.cymru/rpwarlein).
- Er gwybodaeth y mae'r canllaw hwn ac mae'n esbonio sut y mae'r cynllun yn cael ei redeg. Gallai'r amodau newid.
- Mae'r Grant Cynhyrchu Cynaliadwy (SPG) yn elfen bwysig o Cymunedau Gwledig Llywodraeth Cymru - Rhaglen Datblygu Gwledig 2014-2020. Cafodd y cynllun hwn ei ddylunio i helpu ffermwyr i wella perfformiad economaidd ac amgylchedd eu daliad amaethyddol yn unol â gweledigaeth Llywodraeth Cymru a'r diwydiant amaethyddol yng Nghymru i gael busnesau fferm mwy cynaliadwy, proffidiol a chydnerth.
- Bwriad Llywodraeth Cymru, trwy'r SPG, yw adolygu perfformiad y cynllun yn rheolaidd a gwerthuso'r amodau a osodir ym mhob rownd er mwyn sicrhau eu bod yn berthnasol i'r diwydiant a'r busnesau unigol, ac i flaenoriaethau strategol Llywodraeth Cymru.
- Mae achosion o lygredd ar ffermydd sy'n effeithio ar ansawdd dŵr a bywyd gwyllt wedi cynyddu'n ddiweddar, yn aml yn sgil camreoli storfeydd slyri a chyfleusterau trin dŵr budr a llygreddau aer. Targed y rownd hon yw helpu ffermwyr i gyflawni'u hamcanion o ran rheoli maethynnau'n well yn ogystal â diogelu a gwella ansawdd dŵr, pridd ac aer trwy leihau llygredd.
- Mae'r cynllun yn un dewisol. Mae'r swm o'r grant a gaiff ei gynnig yn berthnasol i amgylchiadau unigol ac y bydd wastad y lleiafswm sydd ei angen i alluogi'r buddsoddiad fynd yn ei blaen.

Amcanion y Cynllun:

Dyma amcanion y Cynllun:

- Rheoli maethynnau'r fferm yn well
- Diogelu a gwella ansawdd dŵr, pridd ac aer
- Defnyddio dŵr yn fwy effeithiol ar y fferm
- Defnyddio adnoddau'r fferm yn fwy effeithlon.

Mae'r SPG yn fuddsoddiad cyfalaf mewn offer a pheiriannau fydd wedi cael eu disgrifio ymlaen llaw i fynd i'r afael ag effeithiau llygredd ar y fferm gan gynnig manteision clir ac amlwg i'ch menter fferm a'r amgylchedd ehangach.

Bydd gofyn i geisiadau am yr SPG fodloni amcanion strategol a thematig Llywodraeth Cymru.

Rhaid i weithgareddau o dan yr SPG fynd i'r afael **ag o leiaf un** o Blaenioraethau a Feysydd Ffocws Cymunedau Gwledig Llywodraeth Cymru - Rhaglen Datblygu Gwledig 2014-2020:

Priority 2

Gwneud pob math o amaethyddiaeth yn fwy cystadleuol a ffermydd yn fwy hyfyw:

Focus Area 2a hwyluso'r gwaith o ailstrwythuro ffermydd sy'n wynebu problemau strwythurol mawr, yn enwedig ffermydd nad ydynt yn cyfrannu llawer at y farchnad, ffermydd sy'n canolbwyntio ar y farchnad mewn sector penodol a ffermydd sydd angen arallgyfeirio.

Priority 5

Hyrwyddo defnydd effeithiol o adnoddau a chefnogi'r symudiad at economi carbon isel sy'n gallu gwrthsefyll yr hinsawdd, yn y sector amaeth, y sector bwyd a'r sector coedwigaeth;

Focus Area 5a helpu'r diwydiant amaethyddol i ddefnyddio dŵr yn fwy effeithlon
Focus Area 5b helpu'r diwydiant amaethyddol a'r diwydiant prosesu bwyd i ddefnyddio ynni'n fwy effeithlon

Focus Area 5d helpu'r diwydiant amaethyddol i leihau allyriadau nwyon tŷ gwydr.

Meysydd thema a thrawstorri

Mae'r eitemau cyfalaf a'r gweithgareddau sydd yn gymwys yn y cyfnod ymgeisio hwn yn cefnogi'r thema ganlynol thema rheoli pridd a chnydau a'r tri maes trawsbynciol, Defnyddio Maethynnau'n Effeithiol, Defnyddio Ynni'n Effeithiol, Defnyddio Dŵr yn Effeithiol

Mae'r Grant Cynhyrchu Cynaliadwy wedi'i gymeradwyo gan y Comisiwn Ewropeaidd. Caiff unrhyw newidiadau eu cyhoeddi ar wefan Llywodraeth Cymru (www.llyw.cymru) a GWLAD Ar-lein (www.gwladarlein.org) a phan welwn fod angen, byddwn yn cysylltu'n uniongyrchol â chi.

Ariennir y Grant Cynhyrchu Cynaliadwy gan Lywodraeth Cymru a'r Comisiwn Ewropeaidd i ffurfio rhan o raglen Cymunedau Gwledig Llywodraeth Cymru – Rhaglen Datblygu Gwledig Cymru 2014-2020.

Rheolir y Grant Cynhyrchu Cynaliadwy gan Reoliadau Rhaglenni Datblygu Gwledig (Cymru) 2014 rhif 3222(Cy327); Rheoliadau'r Cyngor (UE) rhif 1305/2013, 1303/2013 a 1306/2013; Rheoliadau Gweithredu (UE) y Comisiwn rhif 808/2014 ac 809/2014 a Rheoliadau Dirprwyedig y Comisiwn (UE) 640/2014 ac 807/2014 (fel y gallent gael eu newid o dro i dro). Cewch gopïau o'r Rheoliadau hyn ar wefan EUR-Lex (eur-lex.europa.eu) neu gallwch ofyn i Ganolfan Gyswllt i Gwsmeriaid Taliadau Gwledig Cymru am gopi.

Nid yw Erthyglau 107, 108 nac 109 y TFEU yn berthnasol i'r grantiau a ddarperir o dan y cynllun hwn os cawsant eu gwneud yn unol â Rheoliad (UE) rhif 1305/2013 Senedd Ewrop a'r Cyngor (Rheoliadau Datblygu Gwledig), ac o fewn cwmpas Erthygl 42 y TFEU.

Mae Erthygl 42 y TFEU yn ymwneud â gweithgareddau sy'n gysylltiedig â chynhyrchu cynnyrch amaethyddol cynradd.

Bydd y Grantiau a ddarperir o dan y cynllun hwn yn cydymffurfio â'r cyfraddau ymyrryd a'r terfynau cymorth yn unol ag Atodiad II y Rheoliadau Datblygu Gwledig.

Adran B - Pwy sy'n Gymwys am y Grant Cynhyrchu Cynaliadwy

I fod yn gymwys:

- Byddwch wedi'ch cofrestru gyda Llywodraeth Cymru ac wedi cael Cyfeirnod Cwsmer (CRN). Byddwch wedi'ch cofrestru gydag RPW Ar-lein. Ffoniwch y Ganolfan Gyswllt i Gwsmeriaid ar 0300 062 5004 i gael manylion
- Bydd rhaid i o leiaf un aelod o'r busnes, fel a ganfyddir gan Cyswllt Ffermio a Llywodraeth Cymru, wedi bod ar gwrs 'Ffermio Cynaliadwy' a drefnir gan Cyswllt Ffermio.
- Bod wedi masnachu am isafswm o 2 flynedd.
- Os ydych yn ymgeisio fel Ffermwr Organig, bod eich busnes wedi ei ardystio gan gorff rheoli organig
- Eich bod yn **Gynhyrchydd Sylfaenol** o gynnyrch amaethyddol. Mae'r cynllun ar agor i Ddatganiadau o Ddiddordeb o ystod eang o Fusnesau sydd yn ymwneud a'r cynhyrchu sylfaenol o gynnyrch amaethyddol, megis:
 - masnachwyr unigol
 - mudiadau gwirfoddol
 - cwmnïau cyfyngedig preifat a chyhoeddus, Mentrau Bach a Chanolig (BBaCh) a Busnesau Mawr
 - busnesau fferm a chwmnïau cydweithredol
 - busnesau newydd, gan gynnwys busnesau sy'n dechrau.

Gall busnesau sy'n ymwneud â chynhyrchu cynhyrchion amaethyddol cynradd fod yn perthyn i'r sectorau canlynol:

- cnydau âr
- eidion
- llaeth
- geifr
- garddwriaeth (gan gynnwys hydroponeg ac acwaponeg)
- moch
- dofednod
- defaid

Cymhwyswr Grŵp

Gellir grŵp o ffermwyr gyflwyno Datganiad o Ddiddordeb ar gyfer y Grant Cynhyrchu Cynaliadwy. I wneud hyn, mae angen i'r holl ffermwyr sydd yn rhan o'r grŵp gwrdd â'r amodau cymhwyster uchod. Yn ogystal â hyn, mae'n rhaid i'r grŵp fod wedi cofrestru gyda Llywodraeth Cymru ac wedi cael Cyfeirnod Cwsmer (CRN) ar gyfer y grŵp. Bydd rhaid i'r Datganiad o Ddiddordeb gael ei gyflwyno o dan y CRN a godwyd ar gyfer y grŵp.

Nid ydych yn gymwys:

- os ydych yn gwsmer sy'n cadw ceffylau (gan gynnwys pori ceffylau)
- os ydych yn gwsmer Coedwigaeth (gan gynnwys pobl sy'n berchen ar goetir yn unig)
- os cawsoch eich dewis yn Rowndiau eraill y Grant Cynhyrchu Cynaliadwy.
- os ydych yn defnyddio'r cyfarpar cyfalaf ar gyfer ei contractio neu ei lesio

Cymhwyster o Weithgareddau

Gweithgareddau Cymwys

Mae'r SPG yn cefnogi buddsoddiadau gweladwy ar gyfer cynhyrchu'r cynhyrchion amaethyddol a restrir yn Atodiad 1 Cytuniad ar Weithrediad yr Undeb Ewropeaidd (TFEU) neu gotwm ond nid cynnyrch pysgodfeydd.

Gweithgareddau Anghymwys

Mae nifer o fuddsoddiadau nad ydynt yn gymwys am yr SPG:

- buddsoddiadau i brynu eitemau newydd yn lle rhai a brynwyd yn y gorffennol gyda chymorth grant yr UE neu Lywodraeth Cymru (o fewn yr un busnes)
- ailwampio safleoedd a/neu gyfarpar i fodloni gofynion sy'n deillio o gamau gorfodi statudol
- gweithgareddau sy'n gysylltiedig â chynhyrchu cynnyrch amaethyddol cynradd nad ydynt yn cael eu cynnal gan y cynhyrchydd cynradd e.e. contractio neu lesio amaethyddol

Buddsoddiadau sy'n Gymwys am Gymorth

Dim ond eitemau a restrir yn y Rhestr o Eitemau Cyfalaf Cymwys yn Atodiad A, sydd ar gael ar [Grantiau a thaliadau gwledig | beta.llyw.cymru](http://beta.llyw.cymru) fydd yn gymwys i dderbyn taliad o dan yr SPG a rhaid iddynt fodloni'r manylebau a ddisgrifir.

Mae offer ail law'n gymwys (ar gyfer BBaChau yn unig) os gall yr ymgeisydd brofi'r canlynol:

- bod yr offer yn bodloni'r ddeddfwriaeth iechyd a diogelwch
- ei fod yn ateb y gofyn ac
- y disgwylir iddo allu para o leiaf pum mlynedd arall.

Costau Anghymwys

Os darganfyddir fod y gwaith wedi ei gychwyn cyn derbyn y contract SPG, BYDD Llywodraeth Cymru unai yn gwrthod y gwaith a gychwynnwyd a gadael yr ymgeisydd barhau efo'r rhan gymwys o'r contract, neu wrthod yr holl gais a chymeradwyaeth.

Mae enghreifftiau o gychwyn y gwaith yn cynnwys y dilynol:

- Cytuno a chontract cyfreithiol-rwym (h.y. gydag adeiladwr neu gyflenwr, est.)
- Pwrcasu offer / nwyddau neu dderbyn trosglwyddiad o'r rhain
- Caiff talu blaendal / achosi gwariant yng nghyd-estyn y cais arfaethedig gael ei weld gan Llywodraeth Cymru fel cychwyn y gwaith cyn i'r grant gael ei gymeradwyo.

Cyfradd a Throthwy Uchaf y Grant

- Y grant fydd cyfanswm cyfraniad y sector cyhoeddus at y prosiect buddsoddi, a bydd yn cynnwys: arian oddi wrth yr UE; cyllid ar y cyd gyda'r UE oddi wrth Lywodraeth Cymru; arian oddi wrth adrannau ac asiantaethau eraill y llywodraeth, cyrff cyhoeddus anadrannol ac awdurdodau lleol; arian oddi wrth gyrff a reolir gan y llywodraeth fel y Gwasanaeth Busnesau Bach a'r Loteri Genedlaethol;
- Os ceir arian o gronfeydd cyhoeddus eraill yr UE neu'r DU i helpu gyda chostau prosiect, byddwn yn tynnu'r swm hwnnw o'r Grant Cynhyrchu Cynaliadwy.
- Y grant mwyaf y gellir ei roi yw **£50,000**.
- Y grant lleiaf y gellir ei roi yw **£12,000**
- Gall y grant gyfrannu hyd at 40% o werth buddsoddiad cyfalaf mewn offer a pheiriannau fydd wedi cael eu disgrifio ymlaen llaw fel rhai fydd yn dod â budd clir a mesuradwy i fenter y fferm.

- Bydd grant o 40% ar gael ar gyfer prosiectau sy'n costio hyd at £125,000. Cewch Ddatgan Diddordeb mewn swm sy'n fwy na therfyn cost prosiect trwy ychwanegu eitem unigol. Os caiff eich Datganiad o Ddiddordeb ei ddewis, ni chewch hawlio mwy na'r grant mwyaf o £50,000

Adran C - Gwneud Cais am Grant Cynhyrchu Cynaliadwy

Cyflwyno ffurflen Mynegi Diddordeb

Taliadau Gwledig Cymru (RPW) Ar-lein

Rhaid Datgan Diddordeb yn y Grant Cynhyrchu Cynaliadwy trwy Taliadau Gwledig Cymru (RPW) Ar-lein. Os oes gennych Gyfeirnod Cwsmer (CRN) eisoes, fe ddylech fod wedi cael llythyr gyda'ch Cod Defnyddio arno ichi allu agor cyfrif. Os ydych wedi'i golli, ffoniwch y Ganolfan Gyswllt i Gwsmeriaid ar 0300 062 5004 (Llun – Iau 8:30am – 5.00pm, Gwener 8:30am – 4.30pm) a rhoi'ch CRN i'r cysylltydd. Caiff Cod Defnyddio newydd ei anfon atoch.

Ar ôl ichi gofrestru, gallwch fynd yn syth i'ch cyfrif RPW Ar-lein o www.cymru.gov.uk/rpwarlein. Fe welwch ffurflen Datgan Diddordeb y Grant Cynhyrchu Cynaliadwy yn yr adran Ceisiadau a Hawliadau

Os oes gennych asiant yn gweithio ar eich rhan, bydd gofyn iddo gofrestru fel asiant ar RPW Ar-lein. Os nad yw wedi gwneud eto, dylai lenwi'r ffurflen Manylion Asiant / Undeb Ffermwyr (Cymru) ar unwaith. Mae copi o'r ffurflen ar gael ar www.cymru.llyw/rpwarlein. Ar ôl i'r ffurflen ein cyrraedd, byddwn yn anfon CRN Asiant ato a Chod Defnyddio RPW Ar-lein. Bydd gofyn llenwi Ffurflen Ganiatâd Cymdeithasau hefyd i gytuno ar rolau'r cleient. Cedwir copi o'r ffurflen hon ar www.cymru.llyw/rpwarlein

Os oes gennych unrhyw gwestiynau am gofrestru ar RPW Ar-lein neu am Ddatgan Diddordeb, ffoniwch y Ganolfan Gyswllt i Gwsmeriaid ar 0300 062 5004. Byddan nhw'n gallu'ch cynghori a rhoi gwybod ichi ble gallwch fynd am help digidol.

Am fwy o wybodaeth ar RPW Ar-lein, sut i gyflawni Datganiad o Ddiddordeb yn SPG a'r buddsoddiadau sydd ar gael a manylion gofynnol SPG cyfeiriwch at ganllawiau SPG ar Grantiau a thaliadau gwledig | beta.llyw.cymru

Cyflawni'r Datganiad o Ddiddordeb

Pan yn cyflawni'r Datganiad o Ddiddordeb, fe fydd angen i chi ddewis o rhestr o eitemau gymwys cyfalaf buddsoddiadol a darparu amcangyfrif o'r gost cyfan ar gyfer pob eitem a ddewiswyd. Yr uchafswm o grant a ellir ei gymeradwyo yw £50,000. Fe gaiff swm grant Datganiad o Ddiddordeb sydd yn fwy na'r swm yma gael ei chapio i £50,000.

Rydym yn eich cynghori i feddiannu prisiadau ar gyfer pob eitem buddsoddiad yr ydych yn cyflwyno yn eich Datganiad o Ddiddordeb. Os gaiff eich Datganiad o Ddiddordeb ei dewis, ni fydd unrhyw grant a gaiff ei gymeradwyo yn uwch na'r swm a gyflwynwyd ar eich Datganiad o Ddiddordeb neu a gafodd ei gapio ar £50,000.

Unwaith mae'r Datganiad o Ddiddordeb yn cael ei chyflwyno, ni ellir newid yr eitemau a ddewiswyd.

Y Broses Sgorio a Dewis

Mae pob eitem cyfalaf a restrir yn Atodiad A wedi cael sgôr yn ôl tair o'r themâu:

- Defnyddio Maethynnau'n Effeithiol
- Defnyddio Ynni'n Effeithiol a;
- Defnyddio Dŵr yn Effeithiol

Dangosir y sgôr yn Atodiad A - Rhestr o'r Eitemau Buddsoddi Cyfalaf Cymwys wrth bob eitem unigol. Ewch i RPW Ar-lein i'w gweld [Grantiau a thaliadau gwledig | beta.llyw.cymru](http://beta.llyw.cymru).

Pwrrpas y broses sgorio yw galluogi Llywodraeth Cymru i raddio'r Datganiadau o Ddiddordeb yn erbyn y cyllid sydd ar gael ar gyfer y ffenestr..

Mae'n ofyniad gan y Comisiwn Ewropeaidd fod prosiectau yn y Cymunedau Gwledig Llywodraeth Cymru – Rhaglen Datblygu Gwledig 2014-2020 ddim yn cael eu dewis ar sail system 'y cyntaf i'r felin'. I gwrdd a'r gofyn yma, bwriad cynlluniau Cymunedau Gwledig Llywodraeth Cymru – Rhaglen Datblygu Gwledig 2014-2020 fydd i agor a chau ar gyfer ceisiadau yn gyfnodol drwy bywyd y rhaglen newydd, yn ddibynnol ar y dosbarthiad cyllidol sydd ar gael i'r rhaglen.

Maer broses ddewis ar gyfer y Grant Cynhyrchu Cynaliadwy yn asesu pob prosiect gwaith cyfalaf a gyflwynwyd gan busnesau ffermio yn ystod yr amser Datgan Diddordeb. Gaiff sgôr ei ddynnu i bob prosiect a restrir yn y Datganiad o Ddiddordeb yn seiliedig ar y gallu i gario allan amcanion y Grant Cynhyrchu Cynaliadwy.

Caiff y Datganiad o Ddiddordeb ei sgorio a'i raddio mewn trefn yn ôl meini prawf sgorio.

Fe gewch eich hysbysebu os y bod eich Datganiad o Ddiddordeb wedi ei dewis ai pheidio drwy eich cyfrif RPW Ar-lein.

Datganiadau o Ddiddordeb llwyddiannus – Cyflwyno eich Cynlluniau a Dogfennau ar gyfer gwerthusiad

Os caiff eich Datganiad o Ddiddordeb ei ddewis, bydd rhaid i chi ddebyn neu wrthod y dewisiad a dychwelyd yr Atodiad Cais a fydd ynghlwm a'ch llythyr hysbysebiad o ddewis i Llywodraeth Cymru drwy eich cyfrif RPW Ar-lein erbyn y dyddiad a roddir yn y llythyr.

Os wnewch chi dderbyn, bydd angen i chi arlwyio manylion sbesifig ynglŷn a'ch busnes a'ch cynigion buddsoddi. Mae canllawiau ar gyfer y cynnwys a'r fformat sydd ei angen ar gael yn Grantiau a thaliadau gwledig | beta.llyw.cymru. Gwnewch yn siŵr eich bod yn dilyn y canllawiau megis fydd methiant i wneud hyn yn gallu arafu'r gwerthisiad.

Y Cynlluniau a'r dogfennau sydd yn ofynnol yw cwblhau a chyflwyno yw:

- Cynllun Busnes 5 mlynedd
- Datganiad Meini Prawf Craidd

- Cynllun Effeithiolrwydd Maethol
- Cynllun Effeithiolrwydd Dŵr
- 3 Prisiad ar gyfer pob eitem buddsoddiad a ddewiswyd ar eich Datganiad o Ddiddordeb
- 3 mlynedd o gyfrifon ardystiedig
- Caniatâd Cynllunio os yn briodol

Cynllun Busnes 5 mlynedd

Rhaid ichi ddarparu'ch cynllun eich hun neu fe allech holi ymgynghorydd amaethyddol i baratoi cynllun ar eich rhan. Gallech wneud hynny trwy Cyswllt Ffermio ar y ddolen isod <https://businesswales.gov.wales/farmingconnect/cy/cynllunio-busnes-0>

Bydd gofyn i'ch cynllun busnes ddangos y gall eich busnes lwyddo a bod y buddsoddiad a gynigir yn un dilyn. Rhaid iddo fod yn un holistig ar gyfer y busnes cyfan ac ni ddylai ganolbwyntio'n llwyr ar y grant cyfalaf y gofynnir amdano.

Datganiad o'r Meini Prawf Craidd a'r Cynlluniau Effeithiolrwyd Maethol a Effeithiolrwydd a Dŵr

Mae ffurflen ar gael ar y ddolen hon [Grantiau a thaliadau gwledig | beta.llyw.cymru](https://beta.llyw.cymru) ichi gael rhoi manylion y Meini Prawf a'ch cynlluniau Effeithiolrwyd Maethol a Effeithiolrwydd a Dŵr yn Effeithiol. Gofalwch eich bod yn ateb pob adran.

Bydd y Datganiad Meini Prawf Craidd yn gofyn am fanylion ynghylch y canlynol:

- Ariannol a Chydymffurfio
- Cyflawni
- Rheoli'r Gwaith
- Gwerth am yr Arian
- Dangosyddion a Chanlyniadau
- Addasrwydd y Buddsoddiad
- Themâu Trawsbynciol
- Cynaliadwyedd Tymor Hir

Rhaid i'r Cynllun Defnyddio Maethynnau'n Effeithiol ddangos sut y bydd y buddsoddiad yn gwella'r ffordd y rheolir maethynnau ar y fferm yn ogystal ag effaith hynny ar Nwyon Tŷ Gwydr.

Rhaid i'r Cynllun Defnyddio Dŵr yn Effeithiol ddangos beth yw'r gofynion am ddŵr ar hyn o bryd a chost hynny i'r ffermwr, a sut y bydd y buddsoddiad cyfalaf yn eich helpu i ddefnyddio dŵr yn fwy effeithiol.

3 Dyfynbris ar gyfer pob Eitem Buddsoddi

Rhaid ichi gyfeirio at Ganllaw a Gofynion Llywodraeth Cymru o ran Caffael Cyhoeddus a Thendro Cystadleuol sydd ar gael trwy'r ddolen hon.

Bydd gofyn ichi gael a chyflwyno 3 dyfynbris gwahanol ar gyfer pob buddsoddiad a dewis un fel yr un rydych chi'n ei ffafrio ar gyfer y buddsoddiad.

Gofalwch fod y dyfynbrisiau'n cael eu cyflwyno erbyn y dyddiad a nodir ar lythyr eich dewis.

3 Blynedd o Gyfrifon Ardystiedig

Darparwch gopi o'ch cyfrifon ar gyfer y tair blynedd diwethaf.

Caniatâd Cynllunio

Os oes angen caniatâd cynllunio ar eich buddsoddiad, byddwch wedi sicrhau'r caniatâd cynllunio llawn hwnnw a chyflwyno tystiolaeth bod gennych ganiatâd ar gyfer eich prosiect.

Os barnodd yr awdurdod cynllunio nad oes angen caniatâd cynllunio ar eich prosiect, bydd angen tystiolaeth arnom gennych o hynny.

Caiff y dogfennau hyn eu hasesu gan y tîm asesu yn ôl:

- eich gallu i gyflawni amcanion y cynllun,
- elw economaidd ac amgylcheddol y buddsoddiad; ac
- i ba raddau y mae angen y prosiect ar y busnes, yn unol â rheolau cymhwysedd y cynllun

Bydd yr asesiad yn cynnwys arfarniad llawn o ddiwydrwydd dyladwy a gwiriadau cymhwysedd, a dim ond ar ôl i'r rhain gael eu cwblhau y bydd penderfyniad terfynol yn cael ei wneud o ran cynnig grant.

Nid oes gwarant y caiff y cynnig grant ei gymeradwyo. Bydd angen o leiaf 190 diwrnod ar ôl i'ch cynlluniau a'ch dogfennau ddod i law, i gynnal yr arfarniad.

Gwerthusiad Llwyddiannus

Os bydd y gwerthusiad yn llwyddiannus, byddwn yn cynnig contract SPG ichi trwy'ch cyfrif RPW Ar-lein. Bydd gennych 30 diwrnod i naill ai dderbyn neu wrthod y cynnig o Contract. Os na fyddwch yn derbyn y contract o fewn 30 diwrnod, caiff y cynnig o contract ei dynnu'n ôl.

Ni ddylai chi gychwyn y gwaith nes yr ydych wedi derbyn eich contract. Os wenwch chi gychwyn y gwaith, mi wnaiff Llywodraeth Cymru unai wrthod y gwaith a gychwynnwyd, neu diddymu y contract ac adfer unrhyw daliadau a wnaed.

Tynnu'n ôl neu Dim Cario Mlaen gyda Dewis

Ar ôl ichi gael eich dewis, os byddwch chi'n penderfynu peidio â bwrw ymlaen â'ch contract neu os na fyddwch wedi derbyn y cynnig o fewn yr amser a ganiateir, ni chewch wneud cais am SPG mewn unrhyw gyfnod ymgeisio arall yn y dyfodol.

Os byddwch chi'n dewis gadael y contract cyn cwblhau'r gwaith neu os na fyddwch yn cwblhau'r holl waith a gymeradwywyd yn eich contract, ni chewch wneud cais am SPG mewn unrhyw gyfnod ymgeisio arall, ac efallai y bydd gofyn ichi ad-dalu unrhyw arian sydd wedi'i dalu ichi.

Rhaid ichi brynu'r **holl** eitemau sydd ar eich contract a'u hawlio trwy'ch cyfrif RPW ar-lein o fewn **dwy flynedd** ar ôl cynnig y contract ichi.

Amodau:

- Gwneir y dyfarniad ar sail datganiadau a wnaed gennych chi neu'ch cynrychiolwyr ar y ffurflen gais a'r ffurflen hawlio ac yn yr ohebiaeth a gafwyd wedi hynny.
- Rhaid ichi gadw at unrhyw ymrwymadau cyfreithiol a osodir arnoch o dan gyfraith yr UE neu'r DU, gan gynnwys deddfwriaeth iechyd a lles anifeiliaid neu blanhigion.
- Ni chewch newid prosiect, gan gynnwys lleoliad y gweithgarwch, heb gymeradwyaeth ysgrifenedig ymlaen llaw Llywodraeth Cymru.
- Ni chewch waredu, trosglwyddo na gwerthu unrhyw offer a/neu adeiladau a brynir gyda chymorth y grant heb gael cydsyniad ysgrifenedig ymlaen llaw Llywodraeth Cymru, yn ystod cyfnod cynnal y prosiect nac am bum mlynedd wedi dyddiad gorffen y prosiect.
- Mae'n rhaid i'r ymgeisydd gydymffurfio â'r rheolau ar wariant cymwys yn unol â'r manylion yn y nodyn yng Nghanolllaw'r Cynllun.
- Mae'n rhaid i chi gadarnhau nad oes unrhyw rai o'r eitemau sy'n rhan o'r cais yn eitemau a brynwyd yn lle eitemau eraill o dan hawliad yswiriant.

- Mae'n rhaid i chi roi cadarnhad na cheisiwyd unrhyw arian cyhoeddus arall (o ffynonellau yn yr UE nac yn y DU).
- Bydd yn rhaid ichi gadw cofnodion ynghylch ceisio a hawlio'r grant, gan gynnwys anfonebau gwreiddiol a dogfennau cysylltiedig eraill, am o leiaf saith mlynedd ar ôl y dyddiad cymeradwyo.
- Mae'n rhaid i chi ganiatáu i gynrychiolwyr Llywodraeth Cymru, Archwilydd Cyffredinol Cymru, y Comisiwn Archwilio a Llys Archwilwyr Ewrop arolygu'r prosiect. Os gofynnir, rhaid i chi roi gwybodaeth iddynt a/neu adael iddynt weld y dogfennau gwreiddiol sy'n ymwneud â'r prosiect.
- Mae'r wybodaeth a roddir yn y cais ac mewn dogfennau cysylltiedig yn gorfod bodloni gofynion Cod Ymarfer Llywodraeth Cymru ar Ganiatáu i'r Cyhoedd Weld Gwybodaeth, Deddf Rhyddid Gwybodaeth 2000 a Rheoliadau Gwybodaeth Amgylcheddol 2004.
- Mae'n rhaid i unrhyw gyhoeddusrwydd a roddir i'r prosiect gyfeirio at y rhan a chwaraewyd gan yr Undeb Ewropeaidd a chan Lywodraeth Cymru wrth ei noddi.
- **Dylech fod yn ymwybodol, os byddwch yn llwyddiannus, fod Llywodraeth Cymru a'r Gymuned Ewropeaidd yn cadw'r hawl i gyhoeddi enw'ch busnes neu gwmni, swm y grant a ddyfarnwyd i chi a chrynodeb o'ch prosiect.**

Adran D - Taliadau

Hawliadau

Bydd yn rhaid ichi hawlio'r Grant Cynhyrchu Cynaliadwy trwy'ch cyfrif RPW ar-lein; chewch chi ddim mo'ch talu nes bod eich hawliad wedi cael ei ddilysu'n llwyddiannus.

Er mwyn inni allu talu'r Grant Cynhyrchu Cynaliadwy ichi, rhaid ichi fod wedi gwneud y canlynol:

- Byddwch wedi derbyn contract y Grant Cynhyrchu Cynaliadwy a gynigiwyd ichi o fewn 30 niwrnod calendr ar ôl dyddiad ei gynnig a byddwch yn cadw at yr holl ofynion.
- Dim ond yr eitemau sydd wedi'u rhestru yn eich contract y byddwch wedi'u prynu, a hynny dim ond ar ôl ichi dderbyn y cynnig o gontract.
- Gofalwch eich bod wedi prynu, gosod a chyflawni'r **holl** eitemau buddsoddiad sydd wedi'u rhestru ar eich contract cyn eich bod yn cyflwyno hawliad.
- Cyflwynwch yr hawliad trwy'ch cyfrif RPW Ar-lein erbyn y dyddiad cau. Ni fydd hawliad yn ddilys nes bod yr holl wybodaeth ategol hefyd wedi'i chyflwyno.
- Cyflwynwch anfonebau'r cyflenwr ar gyfer yr holl eitemau buddsoddiad a hawlir. Mae angen i'r anfonebau fod wedi eu derbynnu a'u dyddio gyda'r dyddiad talu a chopi o datganiad banc yn dangos fod yr anfoneb wedi ei thalu. Os yw taliad yn cael ei gwneud gyda siec, mae angen copi wedi ei sganio o'r siec ysgrifenedig cyn iddi gael ei hanfon i'r cyflenwr, yn ogystal a'r datganiad banc.

Dogfennau Ategol

Pwysig: Rhaid ichi gyflwyno anfonebau a thystiolaeth o dreuliau ar gyfer pob eitem buddsoddiad er mwyn i'ch hawliad fod yn ddilys.

Mae'n rhaid i Anfonebau arddangos y gair 'anfoneb' yn glir ar y ddogfen a chynnwys y canlynol:

- Rhif adnabyddiaeth unigryw
- Enw, cyfeiriad a manylion cyswllt eich cwmni
- Enw a chyfeiriad y cwmni sy'n gyrru'r anfoneb
- Disgrifiad glir o beth yr ydych yn cael eich codi tal amdano
- Y dyddiad a gafodd y nwyddau neu'r arlwyfaeth eu darparu (dyddiad cyflenwi)
- Dyddiad yr anfoneb
- Y cyfanswm sydd yn cael ei godi
- Cyfanswm y TAW os yn briodol
- Y cyfanswm sy'n ddyledus

Dylai Treuliai gael eu cefnogi gan datganiad banc. Os nad yw gwerth y pryniant yn cydlynw a gwerth yr anfoneb (er enghraifft, os yr ydych wedi prynu eitemau sydd ddim yn gysylltiedig a'r phrosiect o'r un cyflenwr) bydd angen cyflwyno dadansoddiad cyfan o'r taliad gyda'r anfonebau ategol.

Os yn gwneud taliad drwy siec, fydd angen sgan o'r siec ysgrifenedig, cyn iddi gael ei chyflwyno i'r cyflenwr, yn ogystal a'r datganiad banc.

Gallwch gyflwyno'r anfonebau a thystiolaeth o dreuliau trwy eu sganio a'u hanfon trwy "Fy Negeseuon" yn eich cyfrif RPW Ar-lein neu drwy roi'r anfonebau gwreiddiol/datganiadau banc i'ch Swyddfa Ranbarthol agosaf.

Hawlio ar gam a chosbau

Eich cyfrifoldeb chi yw gofalu'ch bod yn hawlio taliad yn unig ar gyfer yr eitemau buddsoddi a ddisgrifir a'u cymeradwyo yn eich contract.

Ni fydd eich hawliad yn gymwys os:

- ydych yn prynu eitemau buddsoddi o fath anghywir neu sydd â manyleb wahanol; neu
- os ydych yn prynu eitemau cyn ichi dderbyn y contract; neu
- os nad ydych wedi prynu'r holl eitemau yn y contract.

Os yw'r hawliad yn anghywir, fe fydd yr hawliad yn cael ei leihau i'r swm sydd yn gymwys afe gaiff y grant yw thalu ei chyfrifo felly. Er hyn, os yw'r camsyniad yn fwy na 10% or cyfanswm a hawliwyd, fe gaiff chosb ariannol ei weithredu.

Byddwn yn gwrthod eich hawliad cyfan ac os oes grant wedi'i dalu ichi, byddwn yn mynnu'ch bod yn ei dalu yn ôl.

Troseddau

- Mae Rheoliad 13 o Reoliadau Rhaglenni Datblygu Gwledig (Cymru) 2014 (Rhif 3222 (Cy.327)) yn pennu troseddau a chosbau mewn perthynas ag elfennau penodol o gyllid datblygu gwledig. Mae'r Rheoliad hwnnw a'r troseddau hynny yn berthnasol i'r Cynllun Grant Cynhyrchu Cynaliadwy. Mae troseddau'n cynnwys darparu gwybodaeth ffug neu gamarweiniol, yn fwriadol neu'n fyrbwyll, mewn perthynas â chyllid datblygu gwledig; rhwystro arolygydd neu swyddog; a gwrthod darparu gwybodaeth ar gais.

Monitro Prosiectau

- Mae'n ofyn gan y Comisiwn Ewropeaidd fod yr holl grantiau yn cael eu monitro a bod eu heffaith ar y busnes yn cael ei mesur.
- Bydd yn ofynnol bod y cyfarpar a brynwyd gyda chymorth y Grant Cynhyrchu Cynaliadwy yn cael eu cadw yn y fan a'r lle, yn weithredol ac mewn cyflwr da, ac yn cael eu defnyddio at yr un diben ag a amlinellir yn y cais gwreiddiol, am bum mlynedd o ddyddiad y penderfyniad.

- Mae'n rhaid i chi ganiatáu i swyddogion Llywodraeth Cymru a'r Comisiwn Ewropeaidd, neu eu cynrychiolwyr, archwilio'r cyfarpar ar unrhyw adeg resymol o fewn y cyfnod hwnnw o bum mlynedd.

Adran E - Newidiadau i Reolau'r Cynllun

Newidiadau i'r Ddeddfwriaeth (gan gynnwys Dehongliadau Newydd)

- Mae Rheoliadau Ewropeaidd yn gallu newid o dro i dro a bydd gofyn ichi gadw at unrhyw newidiadau ar ôl i Lywodraeth Cymru roi gwybod ichi amdanynt.

Newidiadau i Reolau'r Cynllun

- Weithiau bydd angen newid eich contract, a hynny am nifer o resymau. Er enghraifft, efallai y bydd angen diweddarau'r amodau rheoli iddyn nhw gyd-fynd â'r wybodaeth wyddonol ddiweddaraf, newid rheolau'r cynllun i gyd-fynd â newidiadau yn rhaglen Cymunedau Gwledig Llywodraeth Cymru – Rhaglen Datblygu Gwledig Cymru 2014-2020 neu gyfraddau talu newydd. Byddwn yn cyhoeddi unrhyw newidiadau ar wefan Llywodraeth Cymru (www.cymru.llyw) a os gwelwn fod angen, byddwn yn ysgrifennu atoch.

Adran F – Archwiliadau a Chadw Cofnodion

- Mae Llywodraeth Cymru yn gorfod gwneud yn siŵr fod pawb sy'n cymryd rhan yn cadw at reolau'r Grant Cynhyrchu Cynaliadwy. Bydd archwiliadau'n cynnwys archwiliadau fferm.
- Gallem ddewis archwilio'ch cais cyn i'r taliad gael ei wneud neu gallai gael ei archwilio ar ôl inni'ch talu.
- Bydd holl fanylion eich Datganiad o Ddiddordeb, eich Cais, manylion eich hawliad a'r datganiadau a wnaethoch wrth Ddatgan eich Diddordeb a chyflwyno'ch cais a'ch hawliad i gyd yn cael eu archwilio. Bydd hynny'n cynnwys trosiant eich busnes, dyddiad prynu'r cyfarpar, i bwy y rhoddwyd yr anfoneb neu'r anfonebau a manylebau'r cyfarpar (yn ôl y gofyn).

Archwiliadau Fferm

- Bydd Llywodraeth Cymru a'r cyrff rheoli arbenigol yn gwneud eu gorau i darfu cyn lleied â phosib arnoch wrth archwilio'ch fferm ond weithiau bydd yn rhaid cynnal ambell archwiliad heb rybudd. Mae hi'n bosib y bydd gofyn inni gynnal archwiliadau fwy nag unwaith y flwyddyn.
- Os byddwch yn gwrthod gadael i archwiliad gael ei gynnal neu'n rhwystro archwilydd neu'n gwrthod rhoi help rhesymol iddo, fe gollwch eich taliad a gallech gael eich erlyn.

Cadw cofnodion

- Bydd angen ichi gadw'r holl gofnodion a gwybodaeth sydd eu hangen arnoch i brofi'ch bod wedi rhoi gwybodaeth gywir a chyflawn inni a'ch bod wedi cadw at eich ymrwymadau.
- Bydd gofyn ichi hefyd:
 - Roi gwybodaeth i Lywodraeth Cymru am eich contract Grant Cynhyrchu Cynaliadwy a hynny o fewn y cyfnod a bennir gan Lywodraeth Cymru
 - Gofalu bod cofnodion, cyfrifon, derbynebau a gwybodaeth arall, gan gynnwys data ar gyfrifiadur, ynghylch eich Bydd gofyn ichi ganiatáu i Lywodraeth Cymru gymryd unrhyw ddogfen neu gofnod i wneud copïau neu i godi darnau ohoni/ohono.

Adran G - Y Drefn Apelio a Chwyno

Y Drefn Apelio

Os caiff cais ei wrthod, caiff y rhesymau dros hynny eu hesbonio'n glir.

PWYSIG - nid oes amodau force majeure yn y cynllun grant hwn.

Os ydych chi'n meddwl bod lle i gredu nad ydym wedi dilyn y broses weinyddol yn gywir, cyflwynwch esboniad ysgrifenedig manwl llawn drwy eich cyfrif RPW Ar-lein neu ysgrifennwch at Y Ganolfan Gyswllt i Gwsmeriaid (cyfeiriad wedi ei restru yn yr adran cyswllt) ddim mwy na 60 niwrnod ar ôl dyddiad y penderfyniad.

Os bydd y cais yn dal wedi'i wrthod, cewch apelio ar ffurf cyflwyniad llafar neu ysgrifenedig i bobl a benodir gan Weinidogion Cymru ond sy'n annibynnol iddynt.

Y Drefn Gwyno

Byddwn yn delio â chwynion yn unol â Chod Ymarfer Llywodraeth Cymru ar Gwynion. Cewch fwy o wybodaeth ynghylch sut i wneud cwyn gan eich Canolfan Gyswllt i Gwsmeriaid.

Croeso ichi ysgrifennu hefyd at unrhyw aelod o'r Cynulliad Cenedlaethol am eich cwyn a gallech gysylltu hefyd â:

Ombwdsmon Gwasanaethau Cyhoeddus Cymru,
1 Ffordd yr Hen Gae,
Pen-coed,
CF35 5LJ

Adran H – Amod Diogelu Data Cyffredinol: Hysbysiad Preifatrwydd

Mae'r hysbysiad hwn yn esbonio sut y bydd Llywodraeth Cymru'n defnyddio'r wybodaeth y byddwch yn ei mwyn cysylltiad â'ch cais am gymorth o dan daliad uniongyrchol y Polisi Amaethyddol Cyffredin a chynlluniau Cymunedau Gwledig Llywodraeth Cymru – Rhaglen Datblygu Gwledig Cymru 2014 – 2020. Mae'n esbonio hefyd sut y bydd Llywodraeth Cymru'n prosesu ac yn defnyddio'ch data personol a'ch hawliau o dan y Rheoliad Diogelu Data Cyffredinol. Rheolydd data'r wybodaeth yw Llywodraeth Cymru, Parc Cathays, Caerdydd CF10 3NQ. E-bost: DataProtectionOfficer@gov.wales .

Bydd Llywodraeth Cymru'n prosesu ac yn rheoli'r wybodaeth y byddwch yn ei rhoi iddi yn unol â'i hymrwymadau a'i dyletswyddau o dan y Rheoliadau Ewropeaidd canlynol:

- Rheoliad y Cyngor (UE) Rhif 1303/2013
- Rheoliad y Cyngor (UE) Rhif 1305/2013
- Rheoliad y Cyngor (UE) Rhif 1306/2013
- Rheoliad y Cyngor (UE) Rhif 1307/2013
- Rheoliad y Comisiwn (UE) Rhif 640/2014
- Rheoliad y Comisiwn (UE) Rhif 807/2014
- Rheoliad y Comisiwn (UE) Rhif 808/2014
- Rheoliad y Comisiwn (UE) Rhif 809/2014
- Rheoliad y Comisiwn (UE) Rhif 907/2014
- Rheoliad y Comisiwn (UE) Rhif 908/2014
- Rheoliad Diogelu Data Cyffredinol (UE) rhif 679/2016

Bydd yr wybodaeth yn cael ei defnyddio gan fwyaf i brosesu am gymorth ariannol. Ond, caiff Llywodraeth Cymru ddefnyddio'r wybodaeth hefyd at bwrpasau eraill, gan gynnwys y rheini sy'n gysylltiedig â'i swyddogaethau a'i dyletswyddau o dan Bolisi Amaethyddol Cyffredin y Gymuned Ewropeaidd a'i hymrwymadau amgylcheddol statudol. Sail cyfreithiol y prosesu yw bod ei angen i gyflawni tasg a gynhelir wrth arfer yr awdurdod swyddogol a roddir i Lywodraeth Cymru.

Mae Llywodraeth Cymru'n casglu data personol er mwyn gallu nodi'ch lleoliad chi a busnes eich fferm. Nid yw Llywodraeth Cymru'n casglu data categori arbennig. Prosesir y data trwy broses wedi'i hawtomeiddio o reolau busnes sy'n defnyddio Cyfeirnod y Cwsmer (CRN) fel allwedd i fwyaf yr adroddiadau.

Caiff eich gwybodaeth ei storio yn unol â Rheoliad Gweithredu'r Comisiwn rhif 908/2014, "Conservation of Accounting Information".

Rhesymau dros rannu data personol

O dan ddeddfwriaeth yr UE mae'n rhaid sicrhau bod cynllun yn gymwys, ac er mwyn gwneud hyn caiff Llywodraeth Cymru rannu gwybodaeth ag:

- Cyfoeth Naturiol Cymru
- Asiantaeth Iechyd Anifeiliaid a Phlanhigion
- Y Gyfarwyddiaeth Meddyginiaethau Milfeddygol
- Awdurdodau Lleol Cymru
- Asiantaeth Safonau Bwyd Cymru
- DEFRA
- Swyddfeydd Amaeth eraill Llywodraeth y DU

Awdurdodau rheoleiddio, megis Cyllid a Thollau EM, Awdurdodau Lleol, yr Awdurdod Gweithredol Iechyd, a'r Heddlu.

Yn benodol, gellir defnyddio'r wybodaeth ar gyfer y canlynol:

- croeswrio gwybodaeth a Thrawsgydymffurfio rhwng sefydliadau'r Llywodraeth er mwyn sicrhau nad oes neb yn torri rheolau cynlluniau'r Polisi Amaethyddol Cyffredin
- cynhyrchu a chyhoeddi mapiau sy'n dangos y tir sydd wedi cael cymorth o dan gynlluniau'r Polisi Amaethyddol Cyffredin
- llunio adroddiadau o ddata o wahanol ffynonellau a/neu grynodedau ystadegol, ar gyfer eu cyhoeddi
- llywio penderfyniadau sy'n gysylltiedig â newid polisi a chyllid gan gynnwys astudiaethau sy'n cael eu cynnal ar ran Llywodraeth Cymru i lywio gwaith Monitro a Gwerthuso Cynlluniau Datblygu Gwledig
- medru cysylltu â thirfeddianwyr/defnyddwyr mewn argyfwng e.e. rheoli clefydau a rheoli tramgwyddau
- diogelu budd ymgeiswyr mewn cadwraeth tir a materion a all godi yn sgil ymholiadau am ariannu
- caniatáu i bartneriaid allu gwneud eu dyletswyddau cyfreithiol
- bydd yr wybodaeth rydym wedi'i chasglu gennych yn cael ei rhannu ag asiantaethau atal twyll a fydd yn ei defnyddio er mwyn atal twyll a gwyngalchu arian ac er mwyn cadarnhau pwy ydych
- cyhoeddi gwybodaeth benodol ac ymateb i geisiadau am wybodaeth.

Cyhoeddi a Datgelu Gwybodaeth

Gall aelod o'r cyhoedd ofyn am gael gweld eich gwybodaeth, gan gynnwys gwybodaeth personol amdanoch. Mae'n bosibl y bydd yn rhaid i Lywodraeth Cymru ryddhau gwybodaeth, gan gynnwys gwybodaeth personol amdanoch, wrth ymateb i gais o'r fath.

Yn ôl Rheoliad y Comisiwn (CE) rhif 908/2014, rhaid i Lywodraeth Cymru gyhoeddi manylion y symiau a dalwyd i fuddiolwyr Polisi Amaethyddol Cyffredin. Cyhoeddir data ar gyfer pob buddiolwr ar wefan y gellir chwilio arni, a bydd yn cynnwys enw a lleoliad y ffermwr/rheolwr tir a manylion y symiau ac enw'r cynllun. Ond, ni ddatgelir enwau'r rheini

sy'n cael llai na'r hyn sy'n gyfwerth â €1,250 mewn cymorthdaliadau. Cyhoeddir y data bob blwyddyn ar 31 Mai a bydd y data ar gael am ddwy flynedd o'r dyddiad y cawsant eu cyhoeddi. Bydd yr wybodaeth ar gael ar wefan DEFRA yn: www.cap-payments.defra.gov.uk

Hawliau o dan Ddeddf Diogelu Data 1998

Mae'r GDPR yn rhoi hawliau i unigolion mewn perthynas â'r data personol a gedwir amdanynt. Mae'r hawliau hynny'n cynnwys:

- yr hawl i gael gwybod (yr hysbysiad hwn)
- yr hawl i ofyn a chael copïau o'r data personol sydd gan Lywodraeth Cymru amdanynt, er y gall Llywodraeth Cymru gadw peth data weithiau neu wrthod rhoi copïau
- yr hawl, o dan rai amgylchiadau, i rwystro neu gyfyngu Llywodraeth Cymru rhag prosesu data personol
- yr hawl o dan rai amgylchiadau i ofyn am gywiro gwybodaeth anghywir.
- yr hawl o dan rai amgylchiadau i gael data wedi'u dileu (eu hanghofio)

Os hoffech arfer unrhyw un o'r hawliau GDPR hyn, cysylltwch â Llywodraeth Cymru yn y cyfeiriad ar ddechrau'r hysbysiad hwn.

Bydd hawl gan unigolion hefyd i ofyn i'r Comisiynydd Gwybodaeth, sy'n gorfodi ac yn cadw golwg ar y GDPR, farnu a fyddwn, wrth brosesu'ch gwybodaeth personol, yn debygol o gadw at amodau'r GDPR. Cysylltwch â'r Comisiynydd Gwybodaeth yn:

Swyddfa'r Comisiynydd Gwybodaeth,
Wycliffe House
Water Lane
Wilmslow
Cheshire
SK9 5AF
Ffôn: 01625 545 745 or 0303 123 1113
Wefan: www.ico.gov.uk

Cysylltiadau

Ymholiadau gan Ffermwyr – y Ganolfan Gyswllt i Gwsmeriaid

Yn y lle cyntaf, dylai cwsmeriaid sydd am gysylltu â ni ffonio neu e-bostio'r Ganolfan Gyswllt i Gwsmeriaid lle bydd staff wrth law i roi gwybodaeth ac i ateb cwestiynau. Mae'r Ganolfan Gyswllt i Gwsmeriaid yn agored i dderbyn galwadau ffôn rhwng 8.30 y bore a 5 y prynhawn.

Gallwch gysylltu â'r Ganolfan Gyswllt i Gwsmeriaid fel a ganlyn:

Ffôn: 0300 062 5004

E-bost: rpwonline@gov.wales

Cyfeiriad Blwch Swyddfa Bost:

Taliadau Gwledig Cymru, PO Box 1081,
Caerdydd, CF11 1SU

Swyddfeydd Rhanbarthol ac Ardal

ArdalBydd swyddfeydd yn Aberystwyth, Caerfyrddin, Caernarfon a Llandrindod yn agored i ymwelwyr rhwng 9am a 4.30pm, o ddydd Llun hyd ddydd Gwener. Ni fydd y swyddfeydd ardal ar agor mor aml, felly dylai ymwelwyr edrych ar ein gwefan neu ffonio'r Ganolfan Gyswllt i Gwsmeriaid ar 0300 062 5004 i weld pryd maen nhw ar agor.

Swyddfa Ranbarthol Caernarfon
Llywodraeth Cymru
Doc Victoria
Caernarfon
Gwynedd LL55 1TH

Swyddfa Ranbarthol Caerfyrddin
Adeiladau'r Llywodraeth
Teras Picton
Caerfyrddin SA31 3BT

Swyddfa Ardal Aberystwyth
Llywodraeth Cymru
Rhodfa Padarn
Llanbadarn Fawr
Aberystwyth
Ceredigion SY23 3UR

Swyddfa Ardal y Drenwydd
Ty Ladywell
Park Street
Y Drenwydd SY16 1JB

Swyddfa Ranbarthol Llandrindod
Adeiladau'r Llywodraeth
Spa Road East
Llandrindod LD1 5HA

Swyddfa Ranbarthol Cyffordd
Llandudno
Sarn Mynach
Cyffordd Llandudno
Conwy LL31 9RZ

Taliadau Gwledig Cymru
Llywodraeth Cymru
Craidd y Gorllewin, 4ydd Llawr
Parc Cathays
Caerdydd CF10 3NQ

Mynediad at swyddfeydd Llywodraeth Cymru ar gyfer pobl ag anableddau neu anghenion arbennig

Os oes gennych anghenion arbennig a'ch bod yn teimlo nad yw ein cyfleusterau yn ateb y gofynion, cysylltwch â'r Ganolfan Gyswllt i Gwsmeriaid ar 0300 062 5004 i gael swyddogion Llywodraeth Cymru wneud trefniadau addas ar eich cyfer.

Gwefan Llywodraeth Cymru

I weld yr wybodaeth ddiweddaraf am amaethyddiaeth a materion gwledig, ewch i wefan Llywodraeth Cymru yn: www.cymru.llyw/cynlluniauamaeth. Bydd cyfle ichi gofrestru arni am daflen e-newyddion yr Adran Materion Gwledig fydd yn cael ei hanfon atoch trwy e-bost.

Gwlad

Gwlad yw cylchgrawn deufisol Llywodraeth Cymru i ffermwyr, busnesau coedwigaeth a phawb sydd â diddordeb mewn ffermio ac yng nghefn gwlad Cymru. Mae'n llawn newyddion, cyngor a gwybodaeth hawdd eu ffeindio a'u deall. Rhifyn Mawrth/Ebrill 2016 o Gwlad oedd yr un olaf ar gopi caled. Wedi hynny, un o'r ffyrdd rydym yn cyfathrebu fydd trwy e-gylchlythyr Gwlad. I sicrhau eich bod yn parhau i glywed am y newyddion a'r datblygiadau diweddaraf gallwch gofrestru i dderbyn yr e-gylchlythyr trwy fynd i: www.llyw.cymru/news-alerts www.llyw.cymru/gwlad